

Gín-á 在家 自學 ê 契機

每一人有家己 ê 才調，每一工比 châng 較進步，有 chhù-bī òh 新 ê 物件，ōe 快樂學習。

文 | 林碧堂 / 台灣教會公報社台文版編輯，傳道師

25年前 ê góa

Gín-á 開始 giá 筆練寫字，hō góa 想起25年前 ê ka-kī。八歲 ê 時，góa 小學二年，阮爸去台北縣（今新北市）thó-thàn，chhōa 全家 tui 吉安鄉搬去中和市。Tng-si，義務教育 ê 課本 lóng-sī 「國立編譯館」出版--ê，思想統一，教材統一，轉學、銜接 lóng 免換課本。

佇吉安鄉北昌國小，góa ê 寫字簿 ták phiⁿ lóng-sī 甲上；轉學到中和市自強國小，寫字簿 lián-sòa 食丙，kòe bô jōa-kú，koh 變做甲上。Góa 心中感覺奇怪，全款 ê 課本、全款 ê 作業、全款 ê 筆跡，ná-ē án-ni？

有一工，góa òng 同學借寫字簿來看，góa 明白 sī-án-chóaⁿ tī 當時 hit-ê 有將近6000名學生 ê 小學內面，góa 實在應該食丙。chóng--sī，導師有伊 ê 觀察，關懷我這位 tui 庄腳所在來 ê 學生。

阮願意試驗自學

2018年，góa 知影有一寡人選擇自學，in 放棄學校排名，放棄 kap 別人比較，組成混合年齡 ê 自學團體，koh hō góa 認識一寡用母語來進行教學 ê 家長。Tī gín-á beh thak 小學一年 ê 時，因為朋友 ê 鼓勵，阮願意試驗自學，相信上帝「Chóng-sī ēng un-tián hō lán ták lāng, sī chiàu Ki-tok un-sù ê hūn-liōng」（總是用恩典互咱逐人，是照基督恩賜 ê 份量）。每一人有家己 ê 才調，每一工比 châng 較進步，有 chhù-bī òh 新 ê 物件，ōe 快樂學習。☺



本文母語聲音QR Code

